



Aningaasaqarnermut Naalackersuisoq

Ulloq: 17. oktober 2018
J.nr.: 01.31.06/18-00811

Aningaasaqarnermut Akileraartarnermullu Ataatsimiititaliap arfininngornermi ulloq 13. oktober 2018 aalajangiineranik Naalackersuisunut ilisimatitsineq.

Eqqumiitsuliornermut kulturimullu annerusumik tapiissuteqartoqarnissaanut aningaasanik immikkoortitanik atuinissaq pillugu ilassutitut aningaasaliissutinik qinnuteqaat. - Suliaq nr. 01.31.06/18 - 00811.

Naalackersuisut inassutigaaat,
”una kontumi pingaarnemi, 20.11.70 Suliniutinut nutaanut sillimmatit, aningaasaliissutit 3,5 mio. kr.-inik appaaffigineqassasut.

una kontumi pingaarnemi, 40.95.01 Eqqumiitsuliornermut kulturimullu tapiissutit allat, aningaasaliissutit 3,5 mio. kr.-inik qaffaaffigineqassasut.”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Qinnuteqaammatt matumani pineqartumut isummernissani Aningaasaqarnermut Akileraartarnermullu Ataatsimiititaliap ulloq 26. september 2018-imi kinguartippaa, tassungalu atatillugu apeqqutinik arlalinnik Naalackersuisunut nassiussillutik.

Tamatuma kingorna Naalackersuisunit akissutit ataatsimiititaliamit tiguneqarput.

Ataatsimiititaliami amerlanerussuteqartut Siumup, Demokraatit Suleqatigiissitsisullu ilaasortaataa Naalackersuisut akissutaat tusaatissatut tiguaat.

Ataatsimiititaliami ikinnerussuteqartut Inuit Ataqtigiit ilaasortaataat ikinnerussuteqarlutik ima oqaaseqaateqarput:

”Sammisami matumani aalajangiiffigisassap imarisaani kulturikkut susassaqrfit assigiinngitsut isumaqatigaagut. Isumaqaataanninnitsinnut tunngavisoq tassaavoq filmiliortut sullivissaannik aningaasaliissuteqarnissaq ilaatinneqanngimmat. Anguniarsimagaluarlutigulu filmiliortut sullivissaata aningaasaliiffigineqarnissaata qulakkeerlugu aalajangiinermi ilaatinneqarnissaa.

Inuit Ataqtigiit suliassat matumani sammineqartut pisariaqartumillu aningaasaliiffigineqartut akerlerinagit tapersorsorpagut. Paasinerlunneqaqqunaguli itigartitsinitta tunngavia, tassalu, nunatsinni filmiliornermik inerisaasut sullivissaminnik aningaasaliiffigineqarnissaminnik tuavisaasut utaqqiteqqeqqunagit aningaasaliiffigineqarnissaat

qulakkeerniarsimagaluarpagut. Naalakkersuisooqatigiilli tamanna
ilalersorsinnaanngimmassuk pisinnaasimanngilaq.

Taamatut naatsimik oqaaseqarluta aalajangiiffigisassami matumani
aningaasaliiffigineqartut isumaqatigaagut. Taamatullu aamma filmiortut
sullivissaannut aningaasaliissuteqartoqarnissaata anguniarsimagaluarnera
iluatsinngimmat ajuusaarutigaarput. Neriuppugulli filmiortortatta anguniagaat
suliassani allani piaartumik timitaliiffigineqarlunilu aningaasaliiffiginissaat
partiinit allaniit aamma tapersorneqarumaartoq.

Qulakkeeqqarusupparput filmiortut sullissivissaanut tunngassuteqartut ilumut
Naalakkersuisuniit aningaasaliiffiginiarneqarnersut. Neriulluta siunertamut
aningaasaliisoqassasoq.”

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasunik oqaaseqaateqarlutik Naalakkersuisut inassuteqaataat
Aningaasaqarnermut Akileraartarnermullu Ataatsimiititaliami amerlanerussuteqartut
Siumup, Demokraatit Suleqatigiissitsisullu ilaasortaatitaasa **akuersissutigaat**.

Siuliani allassimasunik oqaaseqaateqarlutik ikinnerussuteqartutullu oqaaseqaateqarlutik
Naalakkersuisut inassuteqaataat Aningaasaqarnermut Akileraartarnermullu
Ataatsimiititaliami ikinnerussuteqartut Inuit Ataqtigiit ilaasortaatitaasa
akuersinnaanngilaat.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua